



Baibul Otino
Kelo

Ikare ame Obanga
ocweo jami ducu



Jo ocoo obedo: Edward Hughes

Jo Ogoo cale obedo: Byron Unger; Lazarus
Alastair Paterson

Jo Okoporo: Bob Davies; Tammy S.

Ngat ogonyo leb obedo: Betty Apili Acar

Jo oyubu obedo: Bible for Children
www.M1914.org

©2020 Bible for Children, Inc.

Twero: Cik yeyi me goyo buki me icina ni teki pe icato.



Nga ocweo wa? Baibul, ame obedo Kop Obanga ni,
Kobo kit ame ocweo kede dano. Rik con Obanga
ocweo dano me acel te cako nyinge ni Adam. Obanga
ocweo dano kede apua me lobo. Ikare ame Obanga
oweo weo me kwo ikom Adam, en te cako kwoo.

En te nwongo ni etye ipoto
moro acil olwongo
ni Eden.



Ame Obanga pwod peru ocweo dano, en ocweo wii lobo ame opong i jami abeco apol ata. Momot en ocweo godi kede dii bar, atura angwecgi kur kede yen aboco, winyi ayergi beco kede kic ame kok angurangura, leyi pii mogo adongo, kede korokoro apwot.

Obanga kom ocweo
jami ducu ame
tye-jami ducu.




Iyi acaki ame Obanga pwod pe ru
ocweo ginoro keken, ginoro keken
onwongo pe, kono ka Obanga.
Ngatoro onwongo pe, kanoro
onwongo pe nyo ginoro.
Ginoro dang onwongo
pe. Lero onwongo pe,
col ping onwongo pe.
Malo onwongo pe ping
dang onwongo pe. Aworo
onwongo pe, diki dang
onwongo pe. Obanga keken
onwongo tye ame acaki mere dang
pe ni. Eka Obanga te cako tic!



Iyi acaki, Obanga ocweo
polo kede lobo.



Lobo onwongo tye orubere
atata abongo yore.
Col ping onwongo
owumere atut.
Eka Obanga
te kop ni
"wek lero
bed tye".



Eka lero te bedo atye. Obanga te lwongo lero ni dye
ceng eka te lwongo colping ni dye wor. Eka piny te
yutu te ruu odiko me nino me acel.



Inino me aryo, Obanga okelo pii ame tye ite polo ducu me cokere karacel. Inino me adek Obanga okobo ni "wek wii lobo kan otwo bed atye" Eka dang te timmere.



Obanga dok te kobo ni, wek lum kede atura kede yen
ipone gi papat bed atye. Gin dang te
bedo atye. Eka ping te
yutu dang piny te ruu
inino me adek.



Eka Obanga te cweyo ceng,
dwe kede acer apol ata ame
ngatoro pe romo kwano
welere. Eka piny te yutu,
odiko te ruu nino me angwen.



Leyi me pii kede rec kede
winyi nwongo dong obedo gin
Obanga oyubere me cweyo
oko. Inino me abic Obanga
te cweyo rece adongo
bala puta kede men atino
bala omena/atalalang,
wudu atyen gi boco kede
winyi atitino ayi gi yom awero.
Obanga ocweo kwone rece
ducu me pongo pii me lobo
kede kodi winyi ducu me camo
kwo ilobo kan otwo, iyi pii
kede iwi pol. Eka piny te ruu
te yutu dang inino me abic.



Iyonge mano Obanga dok te kop. En okobo ni "Wek lobo pong kede gin acwea ame kwo ducu..." Kwone leyi ducu kede kudi kede leyi amol ikorgi te bedo atye. Lyece adongo ayengo lobo onwongo tye kede leyi ager. Ayomogo akite gi tek kede nyanyang ager. Kudi ame wide-awida kede ayita ame obedo akuca. Rio ame ogwade kede puce mogo ame korgi ngur angura. Obanga ocweo kwone leyi ducu inino naca.

Eka piny te yutu odiko te ruu nino me abicel.



Obanga otimo ginoro apire tek inino me abicel.
Jami ducu dong onwongo tye oyubere pi dano. Cem
onwongo tye ipoto kede leyi me tic pire dang. Eka
Obanga te kobo ni "wek ocwee dano bed acal kedwa,
wek en loo jami ducu iwi lobo."

EKA OBANGA TE CWEYO
DANO BEDO ACAL KEDE
EN; ICAL OBANGA EN
OCWEO EN ...



Obanga te lok
kede Adam.
"Cam ginoro
keken ame imito
ipoto ni. Ento
pe icam nyig yat
amio ngec me gin
arac kede gin
aber. Ka icamo
ngig yatono ito
oko."



Eka Obanga te kobo ni, "pe ber me dano bedo kene. Abino cweyo ngat amyero konye." Obanga te kelo winyi kede leyi ager ducu bot Adam. Adam te cako nying-gi ducu. Myero bedi onwongo ryek ame ba! Me cako nying-gi ducu. Ento ikin winyi kede leyi ducu, pe onwongo tye moro apore pi Adam.



Obanga omio Adam onino ame pe ngeo kome.
Okwanyo amara aloni ame onwongo onino woki,

Obanga te cweyo
dako ame oya
ikom amara
a Adam.



Obanga ocweo jami ducu inine abicel. Eka Obanga te goyo tanga inino me abiro te miyo bedo nino me weo. Ipoto me Eden, Adam kede kawa dako mere onwongo tye kede twon yomcunyoro dang onwongo oworo gini Obanga. Obanga onwongo obedo Rwotgi, dang onwongo mio gi jami ducu dang obedo awotgi.



Ikare ame Obanga ocweo jami ducu

Icina ame oyaa ikop Obanga, ame obedo Baibul

nwongere i

Agege 1-2

"Dogola me kopi mio lero."

Jabuli 119:130



Agiki



Icina me Baibul kobiwa kop ikom Obangawa
aber woki ame ocweowa dang tye amito ni inge.

Obanga ngeo ni wan otimo gin areco, ame En lwongo ni bal.
Pwod me bal obedo too, Ento Obanga mari tutwal, en ocwalo
Wode, Yecu, me too ikor yataria wek jo pwode pi baleni. Eka
Yecu te cer oko eka te wot pacu i Polo! Ka yin iyee ikom Yecu
ite kwaye ni en timi kica pi bali, En atimo dang! En te bino
kwo ikomi, Eka yin ite kwo kede en pii naka.

Ka iyee ni man abedo kop ateni, kob kiti bot Obanga:

Ama Yecu, an ayee ni ibedo Obanga, dang idoko dano
me wek itoo pi balena, ento aman dok itye kwo. Tim ber
ibin ikwoona me itima kica ibalena, me wek dong abed ikwo
anyen, wek nino moro abin akwoo kedi naka. Konya me
wori dang me kwo piri acalo atini. Amen.

Kwan Baibul wek ikob wun Obanga nino inino! Lakana 3:16

